

Redovni izvještaj dnevnih događaja i pojava

Izvještaj se odnosi na događaje u vremenskom periodu od 09.08.2026. godine od 08:00 sati do 10.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća imala je pet intervencija na gašenju požara:

- od 09:47 do 16:52 sati u mjestu Trubar, gdje je gorjela štala,
- od 12:45 do 16:01 sati u mjestu Lipa, gdje je gorjelo nisko rastinje,
- od 16:22 do 17:12 sati u mjestu Vedro Polje, gdje je gorjelo nisko rastinje,
- od 14:00 do 20:20 sati u mjestu Palučci, gdje je gorjelo nisko rastinje.
- od 18:30 do 20:20 sati u mjestu Čizmići, gdje je gorjelo nisko rastinje i trava.

Grad Bosanska Krupa- Vatrogasna jedinica grada Bosanska Krupa imala je intervenciju na gašenju požara od 14:10 do 15:10 sati na Željezničkoj stanici, gdje je bio požar na vagonu putničkog voza.

Grad Cazin – Vatrogasna jedinica grada Cazina imala je intervenciju na gašenju požara od 21:35 do 22:37 sati u mjestu Gornja Koprivna, gdje je gorjela trava.

Općina Velika Kladuša- Vatrogasna jedinica općine Velika Kladuša imala je dvije intervenciju na gašenju požara:

- od 10:54 do 11:40 sati u mjestu Barake, gdje je gorjelo nisko rastinje,
- od 15:55 do 16:30 sati u mjestu Trnovi, gdje je gorjelo nisko rastinje.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Duge su kolone vozila na izlazu iz Bosne i Hercegovine na graničnim prelazima Izačić i Velika Kladuša, na ostalim graničnim prelazima zadržavanja za putnička vozila nisu duža od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se deset saobraćajnih nezgoda.

Jedno lice je zadobilo teže i šest lakše tjelesne povrede, te je prčinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin- Zbog povećane potrošnje i smanjenog kapaciteta na izvorištima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Grad Cazin- Policijska stanica Cazin dostavila nam je Službenu zabilješku sačinjenu na okolnosti pronalaska NUS-a. Radi se o ručnoj bombi pronađenoj u kući u mjestu Šturlić.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 19 °C.

Vodostaj rijeke Une iznosi 20 cm, (početak obavještavanja je 100 cm).

U općini Sanski Most u 08:00 sati temperatura je iznosila 18 °C.

Vodostaj rijeke Sane iznosi 76 cm (početak obavještavanja je 310 cm).